



Број/Број: 03-05-195/10
Сарајево/Сарајево, 5.7.2010.

KOLEGIJU OBA DOMA PARLAMENTARNE SKUPŠTINE BiH

KOLEGIJU SEKRETERIJATA

SEKTORU ZA MEĐUNARODNE ODNOSI I PROTOKOL

Predmet: Izvještaj o službenoj posjeti Milorada Živkovića Briselu

Na inicijativu Parlamentarne skupštine BiH, Milorad Živković, zamjenik predsjedavajućeg Predstavničkog doma PSBiH, 28.6.2010., boravio je u Briselu kako bi u direktnom kontaktu sa zvaničnicima Evropskog parlamenta razgovarao o liberalizaciji viznog režima za građane Bosne i Hercegovine. U Brisel su putovali i:

1. Igor Bunić, savjetnik Milorada Živkovića
2. Dubravka Ištuk-Pavlović, prevodilac
3. Marina Mijačević, stručna saradnica u Sektoru za međunarodne odnose i protokol.

Milorad Živković se u Evropskom parlamentu susreo s Doris Pack, izvjestiocem Evropskog parlamenta za BiH, Tanjom Fajon, izvjestiocem Evropskog parlamenta za viznu liberalizaciju za države zapadnog Balkana, te Eduardom Kukanom, šefom Delegacije Evropskog parlamenta za Jugoistočnu Evropu. Glavna tema razgovora gosp. Živkovića i zvaničnika EU bila je liberalizacija viznog režima kao i tempo odvijanja procedure potrebne za donošenje odluke o ukidanju viza građanima Bosne i Hercegovine.

Svojim sagovornicima gosp. Živković prezentirao je do sada postignute rezultate o ispunjavanju uslova iz Mape puta te informirao o daljnjim koracima o preostala tri uslova potrebna za donošenje odluke o ukidanju viza. Objasnio je da će, kada je u pitanju usklađivanje entitetskih krivičnih zakona s državnim zakonom, Narodna skupština RS-a na zasjedanju 6. jula razmatrati izmjene i dopune krivičnog zakona, a po hitnom postupku bit će razmatran i u Parlamentu Federacije BiH, tako da bi, prema mišljenju gosp. Živkovića, ovaj zakon narednih dana trebalo da bude usvojen.

U vezi s drugim uslovom, odnosno akcionim planom o uspostavljanju sistema elektronske razmjene podataka između policijskih tijela, kazao je da će na narednoj sjednici Vijeća ministara BiH to biti riješeno usklađivanjem poslovnika.

Treći uslov koji se odnosi na pravni okvir za borbu protiv organiziranog kriminala i korupcije, prema mišljenju gosp. Živkovića, nešto je kompliciraniji, s obzirom da je više opisan. Ipak, naglasio je potpunu primjenu zakona u institucijama te maksimalno aktiviranje

ljudskih potencijala u provođenju zakona koji se tiču borbe protiv organiziranog kriminala i korupcije.

Sagovornike iz Evropskog parlamenta najviše je interesirao događaj iz Bugojna, odnosno reakcija institucija na ovaj teroristički akt. Učesnici sastanka saglasili su se s gosp. Živkovićem da teroristički akt u Bugojnu, odnosno pojedinačni slučajevi koji se dešavaju i u drugim zemljama, ne mogu biti prepreka građanima BiH u dobivanju bezviznog režima, pogotovo što su institucije adekvatno reagirale i odmah uhapsile počinioce.

Sva tri sagovornika naglasila su punu podršku građanima BiH u liberalizaciji viznog režima, ali i očekivanja da institucije efikasno obave svoj posao i ispune preostale uslove. Uvjereni su da neće biti dodatnih uslova i prepreka Evropske unije EU. Naglasili su da, ako nalazi monitoring tima Evropske komisije koja će posjetiti BiH od 5. do 8. jula 2010. budu pozitivni i ako Komisija utvrdi da je BiH ispunila sve uslove, neće postojati nijedan formalan razlog zašto BiH u najkraćem vremenskom roku ne bi dobila liberalizaciju viznog režima. Smatraju da je realno očekivati da bi odluka o ukidanju viza za građane BiH mogla biti donesena 1. novembra 2010. godine.

Izvještaj pripremila:

Marina Mijačević

Izvještaj odobrio:

Milorad Živković

Dostavljeno:

- naslovu
- a/a